

天一閣藏明代方志選刊

天一閣藏明代方志選刊

易州



易州新志序

易有志自弘治改元始我座  
主

宮保大學士餘姚公嘗為之序  
而惜其有未備者後十一年  
婺源戴君遜之以進士往知  
州事興除恬養既理且和因

取舊志閱之果如餘姚公言  
乃謀諸伯兄寶之寶之時給  
事兵科以其暇刪修潤色踰  
年而書成遜之適來

朝闕下出示予予既寓目者數  
矣作而嘆曰遜之知所重哉  
顧非寶之則亦曷以相斯成

也今天下郡邑孰不為志志  
非難為也蓋舉其舊而新之  
者之為難耳若寶之是書其  
無間然矣乎舊志為目凡三  
十寶之酌其先後而更置者  
蓋十之四五大之為文獻小  
之為物產類皆增衍視舊志

之闊畧者不止倍蓰而已若  
乃博取史傳推原事本約而  
不濫質而有法其要歸於昭  
法守垂勸戒則寶之所獨擅  
而舊志或有不逮者耶蓋寶  
之伯仲以才美聯擢甲科相  
與名砥節礪而寶之又嘗被

詔入翰苑讀天下書故一見諸  
政事一發諸文章足以顯當  
時而示來裔者如此雖然志  
之繫郡邑者其重可知也而  
士大夫尤視以為重豈不以  
因革者政之宜趨舍者學之  
辨固不能無取於志也况易

為郡自荆軻田光輩以死相  
尚震動一時莫不爭相慕效  
夫死固難也而死不足以善  
道者則亦奚用死也及乎中  
淪夷虜非唯莫之拯也而暴  
勇慄悍相煽愈熾蓋至我  
國家定鼎北方然後登為畿輔

通

皇化之薰溉者今百載矣顧惟  
華侈有加而士風文物尚無  
以超軼乎舊何哉轉移振作  
此其機固在賢守長暨諸大  
夫之有事茲土者然游歌之  
士固亦不得辭其責焉耳一

有豪傑出而感慨今古奮起  
德業煥聲裂於非常以一洒  
田荆之陋斯實為政者之光  
也然則斯志之脩庶幾不為  
徒我庶幾不為徒我序而刻  
之

弘治十五年壬戌秋七月望

後三日

翰林院

國史檢討徵仕郎西蜀劉瑞書



少

卷之序

五

--	--	--	--	--	--	--	--	--

101

新葺易州志序

予弟敏遜之為易之三載書來告曰  
易舊無專志輯而為書自前羅知州  
綺始羅君之志勤矣顧今觀者不無  
踈繆之嫌而

閣老木齋先生謝公序其書嘗以益加  
考訂增所未備望于後之人雖羅之  
序亦然敏竊興懷而未能也唯我兄

圖之予曰此郡學師生事盍與圖之  
數月復使來曰學宮師生講肄是勤  
將不暇於斯謹上羅所刊志暨敏與  
博平文學王君翼續采遺事文詩若  
千韻卒成之無外也予嘉所請之篤  
乃以其暇合二編而葺之旁稽載籍  
苟有關於易者輒加掇擷以類增入  
其例率遵乎時其文率主於備其微

旨率寓乎懲勸總為卷者二十為目  
者廿有七遜之觀京藁適成質于太  
史劉君德夫辱加訂定且辱為之序  
遜之將繡諸木予不能止乃申繫之  
曰粵昔夏有禹貢周有職方皆聖人  
作也志地理者孰不宗之然二書所  
紀皆先之以山澤川浸民風物產賦  
貢之寡多道里之近遠未乃歸之於

德與敬蓋精神心術之微感化之機  
括寓焉後代之志有是哉易自唐季  
以降莽為戰區歷宋迄元淪于異域  
衣冠文物之俗蕩然矣於志乎何有  
迨入我

明山川民物煥然更新蓋三十餘年而  
升畿輔又垂及百年境內又安有司  
以其餘暇修舉廢墜而志始成若今

所嘗視夏周之書何足以企藩籬之  
萬一至於後代之志網羅故實存疑  
傳信以備史家之擇采竊所附焉噫  
亦粗矣矧愚學寡識庸莫窺史法足  
跡未嘗至易而佐斯役者實乏其人  
徒據傳聞之說懸斷其事以為去存  
踈繆之失亦何能免所希後之君子  
剛正而潤飾之則州之幸也凡僭踰